



Møteinnkalling

Utval: SOGN REGIONRÅD

Møtestad: Sognefjord Hotel, Leikanger

Møtedato: 26.04.2013

Tid: kl 09:00

Eventuelt forfall skal meldast til telefon 57 62 96 00 - Varamedlemmar møter etter nærare avtale.

Dagsorden

- 0900 Oppmøte
Godkjenning av innkalling og sakliste
Godkjenning av møteprotokoll frå møte 22.2.2013
Handsaming av saker i Sogn regionråd
- 1215 Lunsj
- 1300 Fjordfisk i endring sett frå forskarhald
Gjennomgang av nyleg utførte undersøkingar i Hardangerfjorden, og diskusjon rundt endringar i Sognefjorden
Otte Bjelland, Forskar ved Havforskningsinstituttet
- Orientering om Høgskulen sine planar om ein konferanse om temaet
Torbjørn Dale, førsteamanuensis ved Høgskulen i Sogn og Fjordane
- 1430 Vel heim!

Sakliste

Saksnr.	Arkivsaksnr. Tittel
8/13	12/3880-8 Skulebruksplanen i Sogn og Fjordane 2014-2023 - felles fråsegn
9/13	11/1042-91 Nytt reisemålsselskap - auka rammer til interimfasen
10/13	13/1345-1 Årsmelding og rekneskap 2012
11/13	12/2273-21 Regionalplan for Sogn regionråd 2013-2016 - strategiplan (saka vert ettersendt)
12/13	11/3278-5 Val av arbeidsgrupper i Sogn regionråd
13/13	13/266-5 Orienteringssaker 26.4.2013

Sogndal, 12. april 2013

Noralv Distad
leiar

Karina Nerland
dagleg leiar

Sogn regionråd

 Saksh.: Karina Nerland
 Arkivsak: 12/3880

Arkiv: A40

Saksnr.: Utval
 8/13 Sogn regionråd

Møtedato
 26.04.2013
Sak 8/13

Skulebruksplanen i Sogn og Fjordane 2014-2023 - felles fråsegn

Tilråding:

Sogn regionråd sluttar seg til felles fråsegn til skulebruksplanen i Sogn og Fjordane 2014-2023 slik den ligg føre.

Vedlegg:

Felles fråsegn til skulebruksplanen i Sogn og Fjordane 2014-2023 frå Sogn regionråd av 12.4.2013

Saksutgreiing:

Framtidig organisering av vidaregåande skule er ein del av arbeidet med skulebruksplanen for perioden 2013-2024. Rapport frå Norconsult på oppdrag frå Sogn og Fjordane fylkeskommune har tilrådd alternative modellar for organisering av vidaregåande opplæring. Åtte modellar er konsekvensutgreidde. Skulebruksplanen er på høyring med høyringsfrist 26. april. Det har vore informasjonsmøte i regionane. Saka skal slutthandsamast politisk i mai og juni 2013.

Sogn regionråd har i fleire møte hausten og vinteren 2012 – 2013 handsama dokument tilhøyrande skulebruksplanen. I møtet 26. oktober ba rådet om at administrasjonen i samråd med rådmannsgruppa starta arbeidet med felles fråsegn med eit regionalt perspektiv, og at det vart laga mandat for dette arbeidet. Følgjande prosjektmandat vart vedteke i møtet 7. desember:

”Sogn regionråd lagar ei fagleg utgreiing med regionalt perspektiv som får fram fakta og vurderingar som ivaretek og støttar opp om Sogn sine behov for vidaregåande opplæring. Utgreiinga skal presentera alternativ løysing til modellane vedteke i fylkesutvalet og som gir ungdommen i Sogn eit utdanningstilbod på lik linje med resten av fylket. Utgreiinga skal ivareta ei utvikling av vidaregåande skule i Årdal, Sogndal og Luster. Dei tre kommunane skal ha med ein person kvar i arbeidet med den faglege utgreiinga. Modell for Sogn vidaregåande skule med felles administrasjon bør inngå i utgreiinga.”

Det vart sett av regionale utviklingsmidlar til ekstern konsulent. Rådet har leigd inn dr. polit Wiggo Hustad, Deloitte til å laga felles fråsegn.

Det har vore fleire møte med representantar frå kommunane og skulane, og drøftingar i rådet. På bakgrunn av drøftingsnotat som vart handsama i møtet 22. februar gav Sogn regionråd følgjande innspel til fylkesutvalet:

- Regionrådet kan ikkje sjå at modellframlegga fordeler ulempene med å redusere tilbodet om vidaregåande opplæring i fylket rimeleg. Ei rimeleg fordeling skulle tilseie at regionen beheld sin relative del av skuleplassar i fylket.
- Regionrådet vil spesielt peika på nedgangen i tal programfag for regionen.
- Regionrådet er svært uroa over at framlegga høgst truleg vil medføre at elevar ikkje får sitt primære opplæringsønske oppfylt i regionen, og at det vil medføre auka fråfall.
- Rådet har i arbeidet med sin uttale sett at det ikkje er samsvar mellom behov i regionen, tilgang på samarbeidspartnarar i arbeids- og næringsliv og dei framlegga som ligg føre.
- Rådet ser at det er fylkeskommunale økonomiske bindingar knytt til bygg og satsingar utanfor vidaregåande skule, som til dels grunnjev skeivfordelinga av utdanningstilboda i fylket. Det er ikkje akseptabelt.
- Regionrådet vil oppmode til å legge ein regional utviklingsambisjon til grunn for endringane i vidaregåande skule.

Drøftingsnotatet av 22. februar vart sendt til kommunane til orientering og som førebels underlag for vidare arbeid i saka. Det har vore breie drøftingar i regionen for å finna løysing som ivaretek og støttar opp om Sogn sine behov for vidaregåande opplæring. I framlegg til fråsegn vert modell for Indre Sogn fremja. Modellen ivaretek elevane sine opplæringsbehov, arbeids- og næringslivsbehov, bygger meir robuste fagmiljø og viser at Indre Sogn tek sitt ansvar for innsparingsmålet, og til skilnad frå dei framlagde modellane fordeler byrde på ein rimeleg måte.

Vedlagt følgjer framlegg til felles fråsegn til skulebruksplanen for handsaming i rådet og kommunane.

Sogn regionråd

Saksh.: Karina Nerland
Arkivsak: 11/1042

Arkiv: U64

Saksnr.: Utval
9/13 Sogn regionråd

Møtedato
26.04.2013

Sak 9/13

Nytt reisemålselskap - auka rammer til interimfasen

Tilråding:

Sogn regionråd set av kr 285 000 av regionale utviklingsmidlar i 2013 i overgangsfasen for etablering av nytt reisemålselskap.

Saksutgreiing:

Sogn regionråd vedtok i møtet 7. desember å garantera for kr 250 000 av regionale utviklingsmidlar. Det var søkt om eksterne midlar og vedtaket i rådet sikra finansiering av mellombels leiingsfunksjon i interimfasen, og til å dekkja utgifter i samband med utlysing og tilsetjing av dagleg leiar og kostnader knytta til prospektet. Det vart inngått avtale med Segel AS (i deltid).

Arbeidet i interimfasen har hatt større omfang enn det vi såg for oss på førehand mellom anna har det vore stort behov for informasjon og dialog med næringa, reiselivslaga og kommunane. Det har vore oppgåver knytta til skipinga: innhenta aksjekapital, innstilla representantar til styret, velja revisor- og rekneskapskontor, førebu og gjennomføra skipingsmøte, og til organiseringa: finna gode overgangsløysingar og avklara vidareføring av prosjekt. Utgifter og finansieringsplan går fram av oversikta under.

Utgifter

Innleige av ekstern rådgjevar	320 000
Møteutgifter	20 000
Organisering og skiping (tilsetjing, overgangsløysingar, innhenta aksjekapital, innstilla styrerepresentantar mv)	130 000
Prospekt	65 000
Arbeid for interimstyret og leiar i interimstyret, administrative ressursar frå regionrådet, møte og reiseutgifter	715 000
Sum	1 250 000

Finansieringsplan

Sogn og Fjordane fylkeskommune	535 000
Eige arbeid/eigne midlar	715 000
Sum	1 250 000

Regionrådet søkte Nærings- og handelsdepartementet om midlar i oktober, og søknaden skulle bli realitetshandsama tidleg i januar. Vi søkte fylkeskommunen i februar om midlar for overgangsfasen fram til selskapet er etablert. Søknaden vil bli handsama i neste møte i styringsgruppa for reiselivsplanen 13. juni. Administrasjonen si vurdering er at det er tenleg at selskapet ikkje får utgifter som løper før det er etablert. Med grunngjeving i at det tek tid før vi får svar på søknadar om ekstern finansiering, tilrår administrasjonen at rådet set av kr 285 000 av regionale utviklingsmidlar i 2013. Desse midlane kjem i tillegg til dei midlane som rådet garanterte for i desember.

Sogn regionråd

Saksh.: Karina Nerland
Arkivsak: 13/1345

Arkiv: 210 &14

Saksnr.: Utval
10/13 Sogn regionråd

Møtedato
26.04.2013

Sak 10/13

Årsmelding og rekneskap 2012

Tilråding:

Sogn regionråd godkjenner årsmelding og rekneskap for 2012 slik den ligg føre.

Vedlegg:

Årsmelding og rekneskap for 2012

Saksutgreiing:

Årsmeldinga og rekneskapen for 2012 er lagt ved.

Rekneskapen for Sogn regionråd er revidert som ein del av rekneskapen for Sogndal kommune.

Sogn regionråd

Saksh.: Karina Nerland
Arkivsak: 11/3278

Arkiv: 036 &85

Saksnr.: Utval
12/13 Sogn regionråd

Møtedato
26.04.2013

Sak 12/13

Val av arbeidsgrupper i Sogn regionråd

Tilråding:

Sogn regionråd skal ha desse arbeidsgruppene:

-
-

Representantar i gruppene er:

-
-

Vedlegg:

Retningslinjer for arbeidsgruppene

Saksutgreiing:

Gruppene er helsegruppe, reiselivsgruppa, regional utviklingsgruppe (RUP), samferdslegruppa, og samansetjinga er slik:

- Samferdselsgruppa: Ivar Kvalen (leiar), Jarle Aarvoll, Marta Finden Halset og Arild Ingar Lægreid
- Reiselivsgruppa: Harald Offerdal (leiar), Noralv Distad og Jan Geir Solheim
- RUP gruppa: Marta Finden Halset (leiar), Noralv Distad og Olav Lunden. Frå rådmannsgruppa Jostein Aanestad.

Rådet bør ta stilling til kva arbeidsgrupper som er aktuelle å oppretta og deltakarar til gruppene.

Det har vore vanleg at rådet vel leiar i gruppene, sjølv om dette etter vedtektene § 1 kan gjerast av gruppa sjølv.

Vedlegg

Retningslinjer for arbeidsgrupper

1 Val og samansetnad

Sogn regionråd vel arbeidsgrupper blant medlemmane i rådet. Leiar av arbeidsgruppa kan bli vald av regionrådet eller av arbeidsgruppa.

2 Mynde

Arbeidsgruppene gjev tilråding til regionrådet innanfor sine saksområde. Arbeidsgruppene har ikkje vedtaksmynde. Arbeidsgruppene orienterer regionrådet om status for arbeidet og planane vidare.

3 Mandat

Arbeidsgruppene skal innanfor sine saksområde

- ta initiativ til tiltak og prosjekt som står opp om og utviklar tenesta i regionen
- førebu saker og gje tilråding til regionrådet
- påverka avgjerdstakarar i retning av avgjerder for å betra tilbodet i regionen
- gje fråsegn

Alle saker skal vera forankra og vedtekne i regionrådet før iverksetjing.

Hastesaker skal avklarast på epost til ordførarane med kopi til rådmennene. Medlemmane må få tilstrekkeleg frist til å svara. Dersom ein eller fleire av ordførarane har merknader til saka, har arbeidsgruppa ikkje høve til å iverksetja saka. Arbeidsgruppa har høve til å leggja saka fram i neste regionrådsmøte.

4 Økonomi

Arbeidsgrupper som har behov for eigne midlar for å utføra oppgåvene, kan få tilført midlar frå regionrådet for ei avgrensa periode og til definerte føremål.

5 Sekretariat

Dagleg leiar deltek i møta og er sekretær for arbeidsgruppene. Det skal førast referat frå møta. Dersom medlemmane i arbeidsgruppa har ulike standpunkt i møtet skal dette gå fram av referatet.

Vedtekne i møtet 28.3.2008

Sogn regionråd

Saksh.: Karina Nerland
Arkivsak: 13/266

Arkiv: 065

Saknr.: Utval
13/13 Sogn regionråd

Møtedato
26.04.2013

Sak 13/13

Orienteringssaker 26.4.2013**Orienteringar og drøftingar**

1. Helsegruppa, reiselivsgruppa, RUP-gruppa og samferdslegruppa
2. Rådmannsgruppa
3. Administrasjonen
4. Fjordfisk i endring sett frå forskarhald
Gjennomgang av nyleg utførte undersøkingar i Hardangerfjorden, og diskusjon rundt endringar i Sognefjorden
Otte Bjelland, Forskar ved Havforskningsinstituttet

Orientering om planane om ein konferanse om temaet
Torbjørn Dale, førsteamanuensis ved Høgskulen i Sogn og Fjordane

Skriv og meldingar

1. Verdskapsplanen – innspel til planprogrammet, 4.4.2013
2. Regional transportplan – innspel til handlingsprogrammet, 12.4.2013



Sogn og Fjordane fylkeskommune

Regional plan for verdiskaping. Høring av planprogram

Sogn regionråd består av kommunane Aurland, Balestrand, Leikanger, Luster, Lærdal, Sogndal, Vik og Årdal og har følgjande innspel til framlegg til planprogram for verdiskapingsplan for Sogn og Fjordane:

1. Val av plantema
Ingen merknader.
2. Problemstillingar som er viktige innan dei føreslegne plantema
Det bør generelt arbeidast med å sikre høgast mogeleg grad av lokalt eigarskap. Dette gir større tryggleik for langsiktig satsing og meir stabile næringar. Ikkje minst er tilgang på kapital og kompetanse viktig for gründerar og entreprenørar. Verkemiddelapparatet, både offentleg og privat, vil derfor vera ein viktig suksessfaktor for nye og eksisterande næringar. Infrastruktur, både elektronisk og vegar / ferjer, må ha sterk fokus og prioritet slik at regionane / fylket blir reelle store bu- og arbeidsområde. Det vil ha ein positiv påverknad på kompetanseutviklinga og attraktiviteten.
3. Medverknad i planarbeidet
I tillegg til representantar frå næringane og fylke og kommune bør det vurderast å ta med yngre deltakarar / gründerar i det vidare planarbeidet.
4. Anna som vert vurdert som viktige innspel til planarbeidet
Ingen merknader

Med helsing

Noralv Distad
leiar

Karina Nerland
dagleg leiar



Sogn og Fjordane fylkeskommune

Svar - Regional transportplan Sogn og Fjordane 2014-23 - Innspel til handlingsprogram

Sogn regionråd er samansett av kommunane Aurland, Balestrand, Leikanger, Luster, Lærdal, Sogndal, Vik og Årdal og har følgjande innspel til handlingsprogrammet:

Ny veg til Sogndal lufthamn Haukåsen

Eksisterande flyplassveg har fleire kritiske punkt med svingar og bratte parti og smal vegbane store delar av vegen. Dette gjer framkomsten vanskeleg, særleg gjeld det frå avkøyring ved riksveg 5 og opp til Storemyri (ca 3 km). På oppdrag frå Sogn regionråd har Norconsult utgreidd to alternativ:

1. Utbetring til to-feltsveg langs eksisterande trasé med tilfredstillande vegstandard, med unntak av stigninga som er for bratt etter vegnormalen
2. Ny to-feltsveg med tilfredstillande standard (ny avkøyrsløp frå riksveg 5 ved Vesterland, Kaupanger).

Rapporten (vedlagd) kartlegg tekniske og kostnadmessige konsekvensar av dei to alternativa. Kostnaden ved å byggja ny veg er berre kr 15,5 millionar over det å utbetra eksisterande veg. Ny veg kan byggjast etappevis. Sogndal kommune vedtek arealdelen av kommuneplanen i løpet av hausten 2013. Sogn regionråd ber om at ny fylkesveg frå Kaupanger til Sogndal lufthamn med ei kostnadramme på kr 285 mill. kr vert teke inn i planperioden for RTP.

Vegutbetring

Sogn regionråd har i regionalplanen for 2009-2012 som mål at næringsliv og innbyggjarar skal ha god infrastruktur og reisetida til regionsenteret skal vera maks 45 minutt.

Fylkesvegstrekningane som regionrådet har prioritert å utbetra er Luster-Sogndal og Dragsvik-Balestrand. Dette er strekningar som er mykje brukt av pendlarar dagleg og som har vore lågt prioritert siste åra. Vegane er smale og har dårleg standard, jf Statens vegvesen si overordna utgreiing for fylkesveg 55. Utbetringar og oppgradering av strekningane er viktig for å binda kommunane sterkare saman i ein bu- og arbeidsregion.

Regionrådet viser elles til kommunane sine innspel til handlingsprogrammet.

Med helsing

Noralv Distad
leiar i Sogn regionråd

Ivar Kvalen
leiar i samferdslegruppa

Vedlegg: Alternative løysingar for ny veg til Sogndal lufthamn Haukåsen. Rapport frå Norconsult 15.11.2012